



14.10.2024

UKA2024/114

**Sulinermik inuussutissarsiuteqartut sulinerup nalaani ullormut minuttini 30-ni timigissarsinnaatitaalissappata tamatuma namminersorlutik inuussutissarsiuteqartunut pisortanullu aningaasatigut allaffissornikkullu kingunerisassaanik misissuinermik aallartitsinissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi taamatuttaaq tamatuma innuttaasut peqqissusiannut kingunerisassai taamatullu aamma inooriaatsimik pissuteqartumik nappaatit appariarnissaasa naatsorsuutigineqartup malitsigisaanik napparsimalluni sulinngitsoortarnerit Peqqinnissaqarfimmullu aningaasartuutit ikinnerulernerisa inuiaqatigiit aningaasaqarniarnerannut sunniutissai qulaajarneqassapput.**

(Inatsisartunut ilaasortaq Anna Wangenheim, Demokraatit)

Siumuminngaaniit inatsisartuni ilaasortap Anna Wangenheim, Demokraatit-neersup siunnersuutaa pillugu imaattumik oqaaseqassaagut.

Siumuminngaaniit inuup peqqissuunissaa timersornikkut timip aalatinneratigut iluaqutitaqaisoq ilisimaarilluinnarparput. Tassami nunatsinni inuit timersortarnermikkut takutittarpaat timi tarnikkut timikkullu peqqinnarnerpaasartoq, nerisassallu peqqinnartut soorlu naatitat kiisalu aamma neqitortarneq inuup saaneranut nukittorsaataalluinnartuusartoq ilisimaarivarput. Timip aalatilluarneratigut timitta aavi ingerlaartuarternerat uumatimullu peqqinnartuusartoq siumumiit ilisimaarivarput, kiisalu nappaatigisinnaasanut assigiinngitsunut pinaveersaartitsisartoq uppernarsarneqartartorlu ilisimaarivarput.

Ukiuni kingulliunerusuni timip aalatinnissaannut timersoqatigiiffinninngaaniit suliaqartoqarpoq, kiisalu aamma aalasamiit anguniagaqartoqarpoq nunatsinni inuit aalanerulernissaannut 2030-mut.

Suliffeqarfiit assigiinngitsut immikkut aamma sammisaqarlutik sulisumik timimikkut aalatitsinerulernissaannik iliuusissanik sulissuteqareernikuupput, taamatullu suliffeqarfinni inerisaasimaneq siumumiit nuannaarutigisorujussuvarput.

Taamaammat qullersaniit misissuinerit atungikkaluarlugit aningaasarpassuillu allanut atorneqarsinnaalluartut atungikkaluarlugit ingerlasoqarsinnaanera uppernarsereernikuugatsigu, tassa nunatsinni suliffeqarfiit namminneq pingaartitartik aallaavigalgu sulisumik peqqinnerusumik timigissarsinnaanissaat pilersaarusiorsinnaanermikkut atuutilereersimammat siunnersuut ilalersinnaannagu oqaatigissavarput.

Mala Høy Kúko

Siumut